

Rogha an chuaine, Cú Chonnacht

[Greene, David: *Duanaire Mhéig Uidhir*, Dublin, 1972, poem 17]

Seaán mac Ruaidhrí Óig Hí Uiginn .cc.

1 Rogha an chuaine Cú Chonnacht  
ní frith clú 'na chonchlannacht;  
a cherda tar crú Logha  
cú sealga gach sítbhrogha.

2 Caor óir as uaisle mianach,  
ní cú do chleacht minfhiadhach;  
fuair ó chliaraibh clú gaoissi  
cú fiadhaigh gach foraoisi.

3 Budh cú bona a mBeind Bhoirchi  
ferchú na ccles nemhfhoirbhthe,  
tar éis sealga Sléibhe Mis  
a thréighe cerda coiccliss.

4 Biaidh an cúisin tar gach coin  
fán Choirrshliabh 'na choin énaigh;  
luath an cú fá bhuar Bernais  
ac tuar chlú don chéidengrais.

6 A lucht sealga Banbha Bregh,  
a chland Néill na naoi ngeimheal,  
Fiadh Fáil 'na thenchair thoraibh  
ac ferchoin Chláir Conchubhoir.

6 Sliabh Beta is dá shealgaibh soin,  
cú do chonaibh Clann cCobhthaigh;  
nír an ar éill dá hiallaibh  
a ngar don fhéin Oirghiallaigh.

7 Tussa, a chú na ccéimend nglan  
bhus cú bairr a mBeind Ghulban;  
biaidh sibh ó Dhrobhaois co Duibh,  
budh libh an phoraois fhiadhaicch.

8 Do-ghéntar sealg Sléibhe Bregh  
le coin énaigh mac Míleadh;  
fullénaigh gan bhú ón bhladh  
cú do chuilénaibh Cruachan.

9 Sliabh Fuaid a bhforaois sealga  
gnáth dá conaibh croibhdherga;  
gealchorcra do chrú na ccon

an cú ferchonta fiochmhar.

10 Do-ghéntar le Coin Condacht  
iath Banbha do bhua chollacht,  
ar dhruim uaine gach achaidh  
tar cuaine Cuinn Chédchathaigh.

11 Ruc geall ar ghníomhraíd goile  
mur coin fhréimhe Rudhroighe,  
sealg na consin tar crú cCuind  
is cosmhuiil re Cú Culuinn.

12 Cédlabhra do chléir dhoilidh  
moladh an duind deghoinigh,  
ní fhuil a n-athlabhra ar olc  
ar Coin ccathchalma Condacht.

13 Cú Chondacht an chrotha gloin  
coilén soighe ó Thigh Thuathail;  
ní lethchuaine do chrú Chuind  
an cú dreachnuaidhe díghuind.

14 Ar Choin cCulainn léghthar lem  
sgél arsaídh uaigneach aithgherr;  
terc baramhail dá chlú a ccéin  
cú fá daghshamhail doiséin.

15 Ionad con agus curadh  
do-níodh an Chú am Chonchubhar,  
do cheird an ghaiscedhaigh ghloin  
ghaisgeamhail co bhfeirg bhfiochmhuir.

16 Lá dá raibhe a ráith Emhna  
gérbh óg é dob ionfhedhma,  
cú do fhulaing cach omhan  
Cú Chulaind ac Conchubhar.

17 Macraíd Uladh leth ar leth  
ac cor bháire, bert uaibhreach,  
siad uile a n-aghaidh na Con  
gan cabhair duine ar domhan.

18 Ruc Cú Chuloind na ngníomh nglan  
ó mhacraíd Dúine Dealgan,  
dob indála dá ghruaidh ghil,  
buaidh na hiomána an uairsin.

19 Cuillend cerd d'airdrígh Uladh  
fleadh aige arna hullmhughadh,

rí 'na aimsir nár bh ónna,  
do bhí an t-aimsín ionóla.

20 Téid airdrí Emhna Macha  
ceithri chaocca ionchatha  
ar cuireadh le Cuillend cerd,  
an bhuidhen mhuingfhionn mhaoithderg.

21 Cú Chulainn na ccles ngoile  
lenais lorg na heachruidhe,  
ruc aithne ar thóir na tána  
im nón d'aithle a hiomána.

22 Cú neimhe lé ccuirthí cath  
do sgaoiliodh hí dá hiallach  
mun mhuingfhi[ó]nd do dherg dumhaigh  
le Cuilli[ó]nd cerd Conchubhair.

23 Do-chí chuige an ccoin neimhe  
dob fháth dénta deithbhire;  
nír ghníomh nár bh fhoirbhthe a hoighidh  
san oidhchi dá ionnsoighidh.

24 An cú confadhbhach neimhe  
marbthur le mac Deichtine,  
inshluaghaigh a cháil don choin,  
dá láimh iolbhuaigh échtaigh.

25 “Do-bhér uaim éraic do chon,”  
ar daltán Dúna Dealgan,  
“a Chuillind gan tend dtabhaigh  
uirrim as ferr fuarobhair.”

26 “As í éraic luaidhter lem,  
d’fhagháil am choin,” ar Cuilenn,  
“tú do dhénaimh a nderna  
cú ar fhéghain dob infhedhma.”

27 Cú Chulainn do chorcradh ga  
a n-ionadh chon an cherda  
gurbh inghníomha clann na con  
- barr imshníomha fán adhbhor.

28 Do hoiledh ac Cuillionn cerd  
an cú gar mheineic móirshealg;  
guais ar gach uillind d’Fhiadh Bhregh  
ó Shliabh Chuillind do cuireadh.

29 Ní bhíodh ó chlesradh na con

thoir nó thiar ar fhud Uladh  
- cú fíocha nár fhég d'omhan -  
tríocha chéd gan chuartughadh.

30 Tussa, a oighre Chon Connacht,  
gan crích mBregh do bhuachollacht,  
ná fuloingsi ar chlú na con  
an Cú Chulainnsi ar clessradh.

31 A chúa sealga bend mBanbha  
tar conaibh do chomhanma,  
sgaoilter clú ollbhladhach ort  
a Chú chomhromhach Connachtt.

32 Rún sealga as imdha agaibh  
ar ndrud éille h'órsgabail,  
tú an cúisin is iall oraibh  
do dhúissigh Fiadh Feradhaigh.

33 Coisimhail re Coin na Tána  
tussa a dtráth na tegmhála,  
tarrla clú oirbhertach ort  
a Chú choinghleacach Condachtt.

34 Dá choin as cosmuile a ccath  
cosmhail a lúth 's a lámhach,  
mac Deichtine is Cú ó cCuind  
cú lé leicfidhe a luaghull.

35 Mac Siobháine taobh mur thuinn  
gaisgeadhach mur Coin Culaind  
buaidh na con 'gun choin oilé  
's gan dol ar sgoil Sgáthoighe.